

還審惜芳時曲中評品

又詠紫燕

我觀紫燕泥巢壘便下卵朝朝抱子雛兒喂大辭窠起背父母
分飛去離 爲人養小還如爾明知得攀緣越熾爭如修取長
生理樂清閑好遊雲水

又友索說陰陽

未分混沌何方有直待定天高地厚乾坤一判三光秀在身中
沖和奔走 水中火起頻頻鬪又白虎青龍交媾嬰兒女姪休
相守王害風別有朋友

拋毬樂

道藏輯要

重陽全真集

下胃集一

扶桑祥瑞生芝草便移在蓬萊島金枝玉葉自然好崑崙上變
珍寶 霞光四面添玄奧明焰裏通顛倒青童捧詔添嘉號無
爲處這迴到

探春令

兀然真性杳杳默默無微無大一團瑩寶光明圍繞五彩同隨
那 逍遙自在堪經過有玉童相賀滿空馥郁盈盈裏面來伴
神仙坐

南鄉子

百載鏡中容仰手爲祥覆手凶生死榮華今在目休逢疾速迴
心認祖宗 得得妙相從滅盡三尸九箇蟲一氣浩然調養正